


BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-986/2017
Dana, 25.05.2017. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

10.05.2017
03-017-986-105/17

SKUPŠTINA UNSKO-SANSKOG KANTONA


PREDMET: Nacrt Zakona o izmjenama i dopunama Zakona o porezu na imovinu i porezu na naslijeđe i poklon d o s t a v l j a s e;-

Na osnovu člana 112. i 113. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Nacrt Zakona o izmjenama i dopunama Zakona o porezu na imovinu i porezu na naslijeđe i poklon uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 25.05.2017. godine, razmatrala i utvrdila Nacrt Zakona o izmjenama i dopunama Zakona o porezu na imovinu i porezu na naslijeđe i poklon, predlagača Ministarstva finansija Unsko-sanskog kantona, te vam isti dostavljamo u dalju proceduru.


PRILOG: -Nacrt Zakona (6x)



Po ovlaštenju Vlade Unsko-sanskog kantona
ministar Ministarstva poljoprivrede,
vodoprivrede i šumarstva
Dragan Polimanac, dipl. pravnik

Dragan Polimanac

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona” broj: 5/08), Vlada Unsko-sanskog kantona na sjednici održanoj dana 25.05.2017. godine, donosi:

Z A K L J U Č A K


I

Utvrđuje se Nacrt Zakona o izmjenama i dopunama Zakona o porezu na imovinu i porezu na naslijeđe i poklon, obrađivača Ministarstva finansija i isti se upućuje Skupštini Unsko-sanskog kantona na razmatranje.

II


Ovaj Zaključak stupa na snagu danom donošenja.

Broj:03-017-986/2017
Bihać, 25.05.2017.godine



Po ovlaštenju Vlade Unsko-sanskog kantona
ministar Ministarstva poljoprivrede,
vodoprivrede i šumarstva
Dragan Polimanac, dipl. pravnik

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
MINISTARSTVO FINANSIJA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MINISTRY OF FINANCE

ZAKON
o izmjenama i dopunama Zakona
o porezu na imovinu i porezu na naslijeđe i poklon

Bihać, april 2017.godine

Na osnovu člana 11. b) i c) poglavlja V, odjeljka A Ustava Unsko-sanskog kantona – prečišćeni tekst («Službeni glasnik Unsko-sanskog kantona» broj:1/04, 11/04), Skupština Unsko-sanskog kantona, na ____sjednici, održanoj dana _____2017. godine, donosi:

ZAKON

o izmjenama i dopunama Zakona o porezu na imovinu i porezu na naslijeđe i poklon

Član 1.

U Zakonu o porezu na imovinu i porezu na naslijeđe i poklon („Službeni glasnik Unsko-sanskog kantona“ broj: 4/2009), u članu 4. stav (2) riječi :“pravno i“ se brišu.

Član 2.

U članu 10. stav (1) riječi: “Zakon o nasljeđivanju („Službeni list SR Bosne i Hercegovine“ broj 7/80 i 15/80)” mijenjaju se riječima: “Zakon o nasljeđivanju u Federaciji Bosne i Hercegovine(“ Službene novine Federacije Bosne i Hercegovine“ broj:80/14)”.

Član 3.

U članu 11. stav (1) iza riječi „fizičko lice“ dodaju se riječi „ i pravno lice“.

Član 4.

Član 14. se briše.

Član 5.

U članu 17. dodaje se novi stav (3) i glasi:
„(3) U slučajevima iz člana 10. stav (3) ovog Zakona porez se plaća po stopi od 5 %.

Član 6.

Član 25. Stav (2) se briše.

Član 7.

Svi slučajevi, odnosno postupci koji do dana stupanja na snagu ovog Zakona nisu pravomoćno okončani završit će se po odredbama koje su bile na snazi u vrijeme pokretanja postupka.

Član 8.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

Broj:
Datum:

Predsjedavajući Skupštine
Unsko-sanskog kantona

OBRAZLOŽENJE

USTAVNI OSNOV

Ustavni osnov za donošenje ovog Zakona nalazi se u člamu 111. stav 1. Ustava Republike Srpske, koji je u skladu sa Ustavom Republike Srpske, kojim je Skupština ovlaštena da donosi zakone, odnosno donosi zakone o oporezivanju. Ustavni osnov za donošenje ovog Zakona nalazi se u člamu 111. stav 1. Ustava Republike Srpske, kojim je Skupština ovlaštena da donosi zakone, odnosno donosi zakone o oporezivanju.

RAZLOZI ZA DONOŠENJE

Privredna društva za obavljanje djelatnosti privredvanja igra na sreću kao osnovne djelatnosti su područja Unsko-sanskog kantona inicijativu za izmjenu Zakona o porezu na imovinu i porezu na naslijeđe i poklon. Inicijativa se odnosi na određenu članu 4. stav 2) Zakona, kojim je propisano da porez na imovinu plaća pravno i fizičko lice koje je vlasnik ili korisnik stijeće imovine: a) stola u kazinu, b) automata za igru na sreću, c) automata za zabavne igre. Smatraju da je na ovaj način došlo do diskriminaciju u uslovnima privredvanja društava na području Unsko-sanskog kantona, odnosno da je djelatnost privredvanja igra na sreću dovedena u neravnopravan položaj na tržištu u odnosu na sve ostale privredne djelatnosti. Privredna društva na Kantonu, koja se bave djelatnošću igra na sreću kao osnovne djelatnosti, zapošljavaju oko 100 radnika, te su ova društva upozorila da je moguće i zatvaranje istih i otpuštanje radnika.

Porezna uprava Federacije BiH-Kantonalni ured Bihac, na trezjenje Ministarstva finansija Unsko-sanskog kantona, obzirom da je organ koji u svom radu primjenjuje predmetni Zakon, na osnovu dosadašnjih iskustava i uočeni nedostataka u primjeni istog, uzelo je učešće u pripremi izmjena i dopuna ovog Zakona.

OBRAZLOŽENJE POJEDINIH PRAVNIH RJEŠENJA

Član 1.

U člamu 4. stav 2) Zakona o porezu na imovinu i porezu na naslijeđe i poklon („Službeni glasnik Unsko-sanskog kantona“ broj: 4/2009) riječi: „pravno i“ se brišu.

Porezna uprava je od stupanja na snagu Zakona o porezu na imovinu i porezu na naslijeđe i poklon vršila razrez poreza na imovinu ovoj kategoriji poreznih obveznika (u skladu sa članom 4. Stav 2)). Porezni obveznici nisu dobrovoljno podnosili prijave poreza na imovinu ili su ih odnosili prazne. Porezna ispostava, prema sjedištu poreznog obveznika, u skladu sa Zakonom o poreznoj upravi i Federaciji BiH, sačinjavale su i ime ovih poreznih obveznika podnosile su predmetne porezne prijave. Obzirom da prijava koju Porezna uprava ima snagu upravnog akta, kao nadležni porezni obveznici su izjavljivali žalbe protiv izstih. Federalno ministarstvo finansija, kao nadležni drugostepeni organ, u svim slučajevima izjavljene žalbe odbija kao neosnovane, a nakon čega obveznici pokreću upravni spor pred Kantonalnim sudom u Bihacu. Porezna prijava, nakon što je izjavljena žalba odbijena, postaje konačna i izvšna, nakon čega se vrši razrez porezne obaveze. Međutim obveznici koriste pravo iz člana 17. Stav 4. Zakona o upravnim sporovima i kod nadležnog suda izdejsvuje rešenje o otklonu izvršenja upravnog akta do okončanja upravnog spora. Obzirom da upravni sporovi traju veoma dugo (3-5 godina), Porezna uprava do danas nije pristupala primudnoj naplati ovih obaveza. U međuvremenu je doneseno nekoliko presuda u upravnom sporu, kojima su prijave ili poništene i predmet vraćen na ponovni postupak ili prijava poništena kao nezakonita vez vraćanja na ponovni postupak. U jednom slučaju tužba je odbijena ali je porezni obveznik zatražio pravno zaštitu pred vrhovnim sudom.

Iz razloga navedenih do danas finansijskih efekata je bilo vrlo malo. Od stupanja na snagu ovog Zakona do 31.12.2015.godine ukupno je po ovom osnovu naplaćeno 15.141,12 KM.

Član 2.

U članu 10. stav (1) Zakon o nasljeđivanju u Federaciji Bosne i Hercegovine stupio je na snagu 09.10.2014. godine, a primjenjuje se od 09.01.2015. godine.

Član 3.

Prema dosadašnjoj formulaciji obveznici poreza na naslijeđe i poklon su fizička lica koja naslijeđe ili prime poklon imovini na koju se plaća porez na naslijeđe odnosno pravo uživanja ili korištenja nekretnine. U nekim slučajevima pravna lica (privredna društva) na druga pravna lica bez naknade prenose pravo vlasništva na nekretninama. Ovakav promet nekretnina ne podliježe plaćanju niti jedne vrste poreza. Prema Zakonu o porezu na promet nekretnina („Službeni glasnik Unsko-sanskog kantona“ broj: 6/04,18/04), plaća se porez na prijenos prava vlasništva na nekretninama uz naknadu. Obzirom da ovakav prijenos nekretnina između pravnih lica ne podliježe oporezivanju postoji opasnost da se povezana pravna lica ovim služe s ciljem da onemoguće naplatu svojih dugovanja iz imovine (što je jedna od mjera prinudne naplate poreznih obveza koju provodi Porezna uprava).

Član 4.

Predlaže se da se dosadašnji član 14. briše. Ovom odredbom propisano je da obaveza plaćanja poreza na naslijeđe i poklon, u slučaju kada je naslijeđena ili na poklon primljena imovina opterećena pravom uživanja, nastaje po prestanku prava uživanja. Treba napomenuti da se uknjižba prava vlasništva na nekretninama ne može izvršiti kod nadležnog zemljišno knjižnog ureda bez dokaza da je porez plaćen, odnosno da je promet oslobođen od plaćanja poreza. Obzirom da se postupak razreza odlaže do momenta prestanka prava uživanja, ovim se stjecalac nekretnine onemogućava da izvrši uknjižbu stečenog prava vlasništva. Na ovaj način neće biti oštećeni korisnici prava uživanja, jer se u zemljišne knjige uz upis prava vlasništva istovremeno unosi i zabilježba o postojanju prava uživanja.

Član 5.

U članu 17. Propisane su dvije porezne stope i to za porez na naslijeđe 3%, a za porez na poklon 10%. U članu 10.stav 3. Zakona propisano je da porez na naslijeđe i poklon plaća fizička osoba koja dibom primi više imovine nego što joj pripada po njenom suvlasničkom pravu na taj dio. Nije propisano koja stopa se primjenjuje na taj dio, pa je predložena stopa od 5%.

Član 6.

Uz izmjenu člana 14. i u članu 25.stav 2. se briše.

Član 7.

Utvrđen je način regulisanja slučajeva, koji do dana stupanja na snagu ovog Zakona nisu pravomoćno okončani.



Na osnovu čl.4. Sporazuma o osnivanju Ekonomsko socijalnog vijeća za područje Unsko-sanskog kantona („Sl.glasnik Unsko-sanskog kantona“, br.15/07,19/10), a u vezi članom 39.Poslovnika o radu Vlade Unsko-sanskog kantona („Sl.glasnik Unsko-sanskog kantona“, br.26/12) Ekonomsko-socijalno vijeće na I sjednici održanoj dana 28.04.2017.godine, donosi:


MIŠLJENJE

na Nacrt Zakona o izmjenama i dopunama Zakona o porezu na imovinu
i porezu na naslijeđe i poklon

I

Ekonomsko-socijalno vijeće daje pozitivno mišljenje na Nacrt Zakona o izmjenama i dopunama Zakona o porezu na imovinu i porezu na naslijeđe i poklon, obrađivača Ministarstva finansija Unsko-sanskog kantona, i predlaže upućivanje u redovnu proceduru i javnu raspravu.

Broj: 03/4-49-4880-1/17
Bihać, 28.04.2017.godine



Predsjednik EŠV
Adem Ibrahimpašić



Broj: 07-02-5524-7/2017 AŠ
Bihać, 16.05.2017. godine

MINISTARSTVO FINANSIJA

PREDMET: Mišljenje, dostavlja se,-

Veza: Vaš akt broj: 04-02-5524-7/2017 od 21.04.2017. godine


Na osnovu člana 25. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj: 26/12 i 3/14), o dostavljenom Nacrtu Zakona o izmjenama i dopunama Zakona o porezu na imovinu i porezu na naslijeđe i poklon, Ministarstvo pravosuđa i uprave, daje sljedeće:

MIŠLJENJE

Nacrt Zakona o izmjenama i dopunama Zakona o porezu na imovinu i porezu na naslijeđe i poklon, u skladu je sa propisima iz člana 25. stav 1. alineja 2. Poslovnika o radu Vlade Unsko-sanskog kantona, u kojem je utvrđeno da ovo Ministarstvo daje mišljenje na nacrtu i prijedloge propisa u pogledu njihove *usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.*


S poštovanjem,

Dostavljeno:
-naslovu
-a/a



MINISTAR
dr. sci. Nikola Findrik

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
URED ZA ZAKONODAVSTVO VLADE UNSKO-
SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
LEGISLATION OFFICE OF UNA-SANA GOVERNMENT

Broj : 21-02-5524-8/17
Bihać, 28.04.2017.godine

MINISTARSTVO FINANSIJA

PREDMET: Mišljenje na Nacrt Zakona o izmjenama i dopunama Zakona o porezu na imovinu i porezu na nasljeđe i poklon, dostavlja se;-

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona" broj: 9/11 i 22/11), Ured za zakonodavstvo Vlade Unsko-sanskog kantona, daje sljedeće

MIŠLJENJE

na Nacrt Zakona o izmjenama i dopunama Zakona o porezu na imovinu i porezu na nasljeđe i poklon

Osnov za donošenje

Ustavni osnov:

Ustavni osnov za donošenje Zakona iz djelokruga Skupštine Kantona sadržan je u odredbi člana 11. b) i e) odjeljak A poglavlja V Ustava Unsko-sanskog kantona – Prečišćeni tekst ("Službeni glasnik Unsko-sanskog kantona", broj: 1/04 i 11/04), s tim da je isti potrebno dopuniti sa pozivanjem na odredbu člana 2. 1) poglavlja IV radi istovjetnosti sa ustavnim osnovom važećeg Zakona koji je predmet izmjena i dopuna.

Ured za zakonodavstvo Vlade Unsko-sanskog kantona, a nakon izvršene analize teksta predmetnog Nacrta Zakona, stava je:

- tekst predmetnog Nacrta Zakona usaglašen je sa Ustavom Unsko-sanskog kantona;
- urađen je u skladu sa metodološkim jedinstvom za izradu propisa;
- iz dostavljenog obrazloženja uz predmetni Nacrt Zakona ne može se utvrditi opravdanost donošenja istog. Obradivač nije obrazložio opravdanost inicijative pokrenute od strane Privrednih društava za obavljanje djelatnosti priređivanja igara na sreću kao osnovne djelatnosti sa područja Unsko-sanskog kantona, a koju navodi kao razlog za donošenje predmetnog Nacrta Zakona, te je predmetno obrazloženje potrebno dopuniti sa istim.

- Također, predmetnim obrazloženjem potrebno je obrazložiti usklađenost predloženih pravnih rješenja sa materijalnim propisima kojim se uređuje predmetna oblast;
- tekst predmetnog Nacrta Zakona potrebno je uskladiti sa članom 18. Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj: 71/14). Konkretno potrebno je u prijelaznim odredbama utvrditi način regulisanja slučajeva, odnosno postupka koji do dana stupanja na snagu predmetnog Zakona nisu pravomoćno okončani određivanjem načina za uređivanje tih postupaka, odnosno da li će započeti postupci biti okončani po odredbama propisa koji je bio na snazi u vrijeme pokretanja postupka ili će biti okončani shodno odredbama predmetnog Zakona;

Ured za zakonodavstvo Vlade Unsko-sanskog kantona predlaže obrađivaču da predmetni Nacrt Zakona uskladi sa predloženim primjedbama, a potom uputi Vladi Kantona na utvrđivanje.

S poštovanjem!

Dostavljeno:

1. Naslovu
2. a/a

SEKRETAR UREDA

Jasminka Topić, dipl.pravnik

Bosna i Hercegovina
 Federacija Bosne i Hercegovine
 Unsko-sanski kanton
OPĆINA BUŽIM
OPĆINSKI NAČELNIK



Bosnia and Herzegovina
 Federation of Bosnia and Herzegovina
 Una-Sana canton
MUNICIPALITY OF BUŽIM
MUNICIPALITY MAYOR

Bužim U1 505 Vbbl.26 Tel: +387 37 419500 Fax: +387 37 410031 e-mail: opcebužim@bih.net.ba

Broj: 02-02-1500-1/17
 Bužim, dana 26.04.2017. godine


MINISTARSTVO FINANSIJA
Alije Đerzeleza 6
77000 Bihać

PREDMET : Mišljenje na Nacrt Zakona o izmjenama i dopunama Zakona o porezu na imovinu i porezu na naslijeđe i poklon, dostavlja se-


Dana 20.04.2017. godine ovaj organ je zaprimio Vaš akt broj 04-02-5524-7/16 od 19.04.2017. godine kojim tražite da Vam dostavimo svoje primjedbe, prijedloge i sugestije u vezi nacrtu Zakona o izmjenama i dopunama Zakona o porezu na imovinu i porezu na naslijeđe i poklon.

Na osnovu navedenog akta želimo Vas obavijesiti da nemamo primjedbe na tekst nacrtu Zakona.

- Dostaviti
- 1/ Naslovu
 - 2/ U spis
 3. a/a



OPĆINSKI NAČELNIK
 Zikrija Đuraković



SLUŽBENI GLASNIK

UNSKO-SANSKOG KANTONA

Godina XIII - Broj 4

14. aprila 2009.
BIHAĆ

Izdanje na bosanskom
jeziku

131.

Na osnovu člana 11. b) i e) poglavlja V i člana 2 l) poglavlja IV odjeljka A Ustava Unsko-sanskog kantona – prečišćeni tekst ("Službeni glasnik Unsko-sanskog kantona", broj 1/04, 11/04), Skupština Unsko-sanskog kantona, na 34. sjednici održanoj dana 20.3.2009. godine, donosi

ZAKON O POREZU NA IMOVINU I POREZU NA NASLIJEĐE I POKLON

I – OPĆE ODREDBE

Član 1. (Predmet)

Ovim Zakonom uređuje se porez na imovinu i porez na naslijeđe i poklon (u daljem tekstu: porez) na području Unsko-sanskog kantona (u daljem tekstu: Kanton) koje plaćaju fizička i pravna lica, postupak za utvrđivanje i naplatu, kao i postupak za povrat poreza.

Član 2. (Vrste poreza)

- Ovim Zakonom se propisuju slijedeći porezi:
- porez na imovinu,
 - porez na naslijeđe i poklon.

Član 3.

(Raspored prihoda)

Porezi utvrđeni ovim Zakonom uplaćuju se na depozitni račun za javne prihode Unsko-sanskog kantona, a raspodjela se vrši u skladu sa posebnim zakonom.

II – POREZ NA IMOVINU

Član 4.

(Obveznici poreza na imovinu)

(1) Porez na imovinu plaćaju fizičko i pravno lice koji su vlasnici slijedeće imovine:

- poslovnog prostora koji se izdaje pod zakup,
- stambene zgrade ili stana koji se izdaju pod zakup,
- zgrade ili stana za odmor i rekreaciju,
- garaže koja se izdaje pod zakup,
- putničkog vozila, osim taksi vozila,
- motocikla,
- autobusa i teretnih motornih vozila s prikolicom i bez prikolice,
- plovnog objekta preko 7 m dužine.

(2) Obveznik poreza na imovinu je pravno i fizičko lice koje je vlasnik ili korisnik slijedeće imovine:

*Unsko-sanski
Kanton
Zakona o Porezima*

- a) stola u kasinu
- b) automata za igru na sreću,
- c) automata za zabavne igre

(3) Ako je imovina u vlasništvu više lica, svako od njih je obveznik poreza srazmjerno dijelu vlasništva.

Član 5.

(Način i visina plaćanja poreza na imovinu)

(1) Porez na imovinu plaća se godišnje u paušalnom iznosu, i to:

- a) poslovni prostor koji se izdaje pod zakup do 2 KM /m²
- b) stambenu zgradu ili stan koji se izdaju pod zakup do 2 KM /m²
- c) zgradu ili stan za odmor i rekreaciju do 2 KM /m²
- d) garažu koja se izdaje pod zakup do 1 KM /m²
- e) putničko vozilo (osim taksi vozila):

	do 1.600 kubika	preko 1.600 kubika
1) do 2 godine starosti	50 KM	70 KM
2) od 2 do 5 godina starosti	35 KM	50 KM
3) od 5 do 10 godina starosti	25 KM	40 KM
4) preko 10 godina starosti	10 KM	20 KM
- f) za motocikl :
 - 1) preko 125 m³ 50 KM
- g) autobusa 100 KM
- h) teretnih motornih vozila s prikolicom i hez prikolice:
 - 1) do 3 t 70 KM
 - 2) od 3 t do 10 t 100 KM
 - 3) od 10 t do 15 t 130 KM
 - 4) preko 15 t 170 KM
- l) plovnog objekta preko 7 m dužine... 300 KM
- m) stola u kasinu 5.000 KM
- n) automata za igru na sreću 1.500 KM
- o) automata za zabavne igre. 300 KM

(2) Visinu poreza iz prethodnog stava, tačke a) do d), utvrdit će općinska vijeća svojim propisom u roku od 30 dana od dana stupanja na snagu ovog Zakona.

(3) Do donošenja propisa iz stava (2) ovog člana, porez na imovinu plaćat će se u iznosima navedenim u stavu (1) ovog člana.

Član 6.

(Oslobađanje od plaćanja poreza na imovinu)

Porez na imovinu ne plaćaju:

- a) Bosna i Hercegovina, Federacija Bosne i Hercegovine, Kanton, općina, kao i njihovi organi i institucije;
- b) strana država pod uslovom reciprociteta;
- c) invalidno lice na putnički automobil koji je nabavljen uz porezne olakšice i oslobađanja;
- d) obrazovna, zdravstvena, penzijska, naučna, kulturna, vjerska, humanitarna i sportska organizacija, udruženja i institucije;
- e) pravne i fizičke osobe na naslijeđenu i poklonjenu pokretnu imovinu čija vrijednost ne prelazi 2.000 KM.

Član 7.

(Plaćanje poreza na imovinu pri promjeni vlasnika)

Pri promjeni vlasnika imovine iz člana 4. ovog Zakona u toku kalendarske godine, novi vlasnik ne plaća porez na imovinu ako je taj porez plaćen od strane ranijeg vlasnika.

Član 8.

(Razrez poreza na imovinu)

(1) Porez na imovinu razrezuje se unaprijed u godišnjem iznosu za imovinu zatečenu u vlasništvu poreznog obveznika na dan 1. januar godine za koju se razrez vrši, a za imovinu stečenu u toku godine u visini koja srazmjerno odgovara vremenu od dana sticanja te imovine do kraja godine.

(2) Porez na motorna vozila koja podliježu registraciji plaća se godišnje u paušalnom iznosu pri registraciji vozila.

(3) Bez dokaza o plaćenom porezu na motorno vozilo, vozilo se ne može registrovati.

Član 9.

(Obaveza dostavljanja podataka)

Nadležni organ koji vodi evidenciju o imovini iz člana 4. ovog Zakona dužan je dostaviti nadležnom organu za oporezivanje podatke o vlasniku i njegovoj imovini.

Organi nadležni za izdavanje odobrenja za građenje objekata i za izdavanje upotrebnih dozvola za građevinske objekte dužni su o izdanim odobrenjima mjesečno obavještavati nadležni organ za oporezivanje na čijem području se vrši gradnja i na čijem je području prebivalište vlasnika.

III - POREZ NA NASLIJEDE I POKLON**Član 10.****(Predmet plaćanja poreza)**

(1) Porez na naslijeđe i poklon plaća se na nekretninu koju nasljednik i poklonoprimac naslijeđuje, primi na poklon ili stekne po drugoj osnovi bez naknade, kao i na pravo uživanja, odnosno korištenja na nekretninu koju fizičko lice stiče na teritoriji Kantona na osnovu Zakona o nasljeđivanju ("Službeni list SR Bosne i Hercegovine", broj 7/80 i 15/80), odnosno ugovora.

(2) Porez na naslijeđe i poklon plaća se i na pokretnu stvar ako joj je pojedinačna vrijednost veća od 2.000,00 KM.

(3) Obveznik poreza na naslijeđe i poklon je i fizička osoba koja diobom primi više imovine nego što joj pripada po njenom suvlasničkom pravu na taj dio.

Član 11.**(Obveznik poreza)**

(1) Obveznik poreza na naslijeđe i poklon je fizičko lice koje na teritoriji Kantona naslijedi ili primi na poklon imovinu na koju se plaća porez na naslijeđe i poklon.

(2) Obveznik poreza na naslijeđe i poklon je i lice koje naslijedi ili primi na poklon pravo uživanja ili korištenja nekretnine.

Član 12.**(Plaćanje poreza uslijed odricanja od nasljedstva i poklona)**

Ako se nasljednik, odnosno poklonoprimac odrekne nasljedstva ili poklona ili ga ustupi, porez na naslijeđe i poklon plaća lice kojem je nasljedstvo ili poklon pripalo, ili mu je ustupljeno.

Član 13.**(Nastajanje obaveze plaćanja)**

(1) Obaveza plaćanja poreza na naslijeđe i poklon nastaje u trenutku pravosnažnosti rješenja o nasljeđivanju, odnosno u trenutku prijema poklona.

(2) Poklon se smatra primljenim u trenutku potpisivanja ugovora o poklonu, a ako ugovor nije zaključen, u trenutku kada je poklon primljen.

Član 14.**(Nastanak obaveze uslijed opterećenosti nekretnine pravom uživanja)**

Ako je naslijeđena ili na poklon primljena nepokretna imovina opterećena pravom uživanja,

obaveza nasljednika, odnosno poklonoprimeca, za plaćanje poreza na naslijeđe i poklon nastaje po prestanku prava uživanja.

Član 15.**(Osnovica poreza)**

(1) Osnovica poreza na naslijeđe i poklon je prometna vrijednost naslijeđene ili na poklon primljene imovine u trenutku nastanka porezne obaveze nakon odbitka dugova i troškova koji terete imovinu na koju se plaća ovaj porez.

(2) Osnovica iz stava (1) ovog člana umanjuje se i za iznos sredstava koje je nasljednik, odnosno poklonoprimac, uložio u imovinu koja je predmet naslijeđa ili poklona prije nastanka porezne obaveze.

Član 16.**(Utvrđivanje tržišne vrijednosti)**

Prometna vrijednost naslijeđene ili na poklon primljene imovine utvrđuje se na način i po postupku utvrđenom Zakonom o porezu na promet nekretnina.

Član 17.**(Stopa poreza)**

(1) Porez na naslijeđe plaća se po stopi od 3%.

(2) Porez na poklon plaća se po stopi od 10%.

Član 18.**(Oslobađanje od poreza)**

Porez na naslijeđe i poklon ne plaća:

- a) nasljednik, odnosno poklonoprimac prvog nasljednog reda, supružnik ako je drugog nasljednog reda, roditelj kada naslijeđuje i prima na poklon imovinu od djece i maloljetno dijete bez oba roditelja;
- b) nasljednik drugog nasljednog reda kada naslijeđuje ili prima na poklon jednu stambenu zgradu, odnosno jedan stan, pod uslovom da je sa ostaviocem u trenutku njegove smrti, odnosno sa poklonodavcem u trenutku primitka poklona, živio u zajedničkom domaćinstvu i da on i članovi njegove obitelji nemaju drugi stan u vlasništvu;
- c) nasljednik drugog nasljednog reda kada naslijeđuje ili prima na poklon obradivo poljoprivredno zemljište, ako mu je poljoprivreda osnovno zanimanje;
- d) nasljednik, odnosno poklonoprimac, brat i sestra pod uslovom da se ta imovina ne može otuđiti u roku od 3 godine;
- e) vjerske zajednice i humanitarne organizacije.